

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 221069 22 St
Zenica, 30.08.2024.. godine

Općinski sud u Zenici, sutkinja Marina Šapina, u stečajnom postupku nad društvom, „Wood line“ d.o.o. Tešanj, ul. Enesa Galijaševića 28, Tešanj, odlučujući o prijedlogu stečajnog upravitelja Jasmin Hadžirašidović iz Zenice od 13.05.2024.god., nakon održanog ročišta dana 28.08.2024.god., kome je prisustvovao o stečajni upravitelj Jasmin Hadžirašidović iz Zenice, dana 30.08.2024.godine donosi:

RJEŠENJE

Zaključuje se stečajni postupak nad društvom „Wood line“ d.o.o. Tešanj, ul. Enesa Galijaševića 28, Tešanj, MBS: 43-01-0143-13, JIB: 4218807280007, nakon djelimičnog namirenja troškova stečaja, zbog nedostatka stečajne mase za dalje namirenje troškova.

Ovo rješenje će se objaviti u „Službenim novinama F BiH“, a nakon proteka roka od pet sljedećih radnih dana od objave isto se smatra dostavljeno svim licima i u slučajevima u kojima zakon predviđa posebnu dostavu.

Navedeno privredno društvo će se po pravomoćnosti ovoga rješenja brisati iz Registra društava kod Općinskog suda Zenica, zavedeno pod brojem reg. ul. broj: MBS: 43-01-0143-13 i svih javnih registara.

Obrazloženje

Rješenjem ovog suda broj: 43 0 St 221069 22 St od 12.06.2023.. godine, otvoren je stečajni postupak nad društvom lica „Wood line“ d.o.o. Tešanj, ul. Enesa Galijaševića 28, Tešanj, MBS: 43-01-0143-13, JIB: 4218807280007, dana 12.06.2023.godine u 15:00 sati

Na ispitnom i izvještajnom ročištu održanom dana 07.09.2023.god., stečajni upravnik je izjavio da društvo već izvjesno vrijeme ne obavlja poslovnu ili drugu djelatnost, da ne ostvaruje nikakve prihode, ne posjeduje vozila, ne posjeduje opremu za obavljanje djelatnosti, te nema mogućnost da izmiri navedene i dospjele obaveze i da su potpunosti. Dalje navodi da se u predmetu spisa nalaze se i odgovarajuće potvrde i uvjerenja iz Javnih registara iz kojih prozilazi naprijed navedeno, a kako je precizno pobrojano u izvještaju. Navodi da su nakon objavljivanja rješenja o otvaranju stečaja prijavljena potraživanja povjerilaca u iznosu od 153.333,64 KM, koja je stečajni upravnik priznao u cijelosti i svrstao u isplatne redove. Kako društvo duže vrijeme ne obavlja poslovnu aktivnost te zbog navedenih razloga ne postoje nikakve mogućnosti da ih i djelomično obavlja. Izjavljuje da je u skladu sa članom 61. Stav 2. Tačka B) Zakona o stečaju utvrđeno je da je organ ovlašten za zastupanje stečajnog dužnika podnio prijedlog za otvaranje stečajnog postupka dana 10.11.2022. godine, a imajući u vidu da su iskazane obaveze evidentirane kao kratkoročne i dospjele obaveze onda proizilazi da prijedlog za otvaranje stečajnog postupka nije podnesen u roku od 60 dana. Iz svega navedenog proizilazi da stečajni dužnik nema imovine, pokretne ili nepokretne iz koje bi se mogla formirati stečajna masa za dalje vođenje i podmirenje troškova stečajnog postupka, da društvo osim predujmljenog iznosa od 5.000,00 KM za troškove stečajnog postupka od strane Raiffeisen banke d.d., nema druge imovine, a da su troškovi stečajnog postupka su viši od predujmljenog iznosa, podneskom od 15.09.2023.god., stečajni upravnik predlaže da sud donese rješenje kojim će pozvati povjerioce da predujme iznos od 4.000,00 KM, na ime troškova za dalje vođenje stečajnog postupka, te da ukoliko

u ostavljenom roku niko od povjerilaca ne predujmi prethodno navedeni iznos sud donese rješenje o zaključenju stečajnog postupka zbog nedostatka stečajne mase nad ovim društvom a po pravomoćnosti isto dostavi registru na brisanje.

Rješenjem broj: 43 0 St 221069 22 St od 28.09.2023. godine, sud je pozivao se povjerioci: Dioničko društvo BH Telecom Sarajevo Direkcija Zenica, Raiffeisen Bank d.d. BiH Sarajevo, BiH Uprava za indirektno oporezivanje Regionalni centar Tuzla, Delta Transporti sistem – DTS“ d.o.o. Banja Luka, Alić Azelma, Porezna uprava FBiH Kantonalni porezni ured Zenica, da u roku od 30 dana od dana objavljivanja poziva uplate predujam za obezbjeđenje troškova stečajnog postupka u iznosu od 4.000,00 KM, na depozitni račun, te da po izvršenoj uplati predujma sudu dostave uplatnicu, kao dokaz da je uplata izvršena uz upozorenje, ukoliko u ostavljenom roku povjerioci ne uplate predujam sud će po prijedlogu stečajnog upravitelja zaključiti stečajni postupak nad stečajnim dužnikom zbog nedostatka stečajne mase, te naložiti brisanje društva iz sudskog registra.

Pozvani povjerioci su uredno zaprimili rješenje i po istom nisu postupili.

Stečajni upravitelj Jasmin Hadžirašidović je podneskom od 13.05.2024.godine, u skladu sa članom 196. Zakona o stečaju, predložio zaključenje stečajnog postupka nad stečajnim dužnikom zbog nedostatka stečajne mase za namirenje troškova stečajnog postupka.

Na ročištu održanom dana 28.08.2024.god., stečajna upravnik je izjavio da ostaje kod prijedloga za zaključenje stečajnog postupka jer stečajne mase iz koje bi se mogla izmiriti prijavljena potraživanja, nema, a preostali iznos od uplaćenog predujma od 2.751,30 KM, nije dovoljan za nastavak stečajnog postupka i isti ne bi mogao pokriti troškove daljeg vođenja stečajnog postupka. Navodi da ukupni dosadašnji troškovi u ovom postupku iznose 2.248,70 KM, a odnose se na nužne troškove – izrada pečata, PTT usluge, takse, itd., te na nagradu stečajnom upravniku po rješenju ovog suda od 15.09.2023.god., kao i na troškove oglasa o zaključenju postupka, brisanje dužnika iz registra, troškove računovodstvenih usluga, bankarske usluge, te troškove FIA izvještaja, i isti su isplaćeni iz uplaćenog predujma od 5.000,00 KM, koji je uplatila Raiffeisen banka dana 10.05.2023.god., za troškove obezbjeđenja stečajnog postupka.

Ističe kada su u pitanju aktivnosti stečajnog upravnika, imajući u vidu da stečajni dužnik nema imovine koja bi činila stečajnu masu, te da u tom smislu nisu niti mogle biti poduzete radnje na zaštiti i unovčenju stečajne mase, to su aktivnosti stečajnog upravnika bile usmjerene na izmirenje nužnih troškove za vođenje ovog postupka.

Imajući u vidu navedeno, a kako iz izvještaja stečajnog upravnika i drugih dokaza u spisu proizilazi da preostali iznos uplaćenog predujma od 2.751,30 KM, nije dovoljan za nastavak stečajnog postupka i da isti ne bi mogao pokriti troškove daljeg vođenja stečajnog postupka, te da su troškovi stečajnog postupka mogu namireni samo djelimično, te da ne postoji nikakva stečajna masa iz koje bi se mogli namiriti troškovi stečajnog postupka, to je sud na osnovu člana 196 st. 1 i čl. 204 Zakona o stečaju („Službene novine F BiH”, broj: 53/21), odlučio kao u izreci rješenja

POUKA O PRAVNOM LIJEKU:

Protiv ovog rješenja svaki stečajni povjerilac i stečajni dužnik imaju pravo žalbe u roku od 8 dana od dana objavljivanja odluke u „Službenim novinama F BiH“ Kantonalnom sudu u Zenici, a putem ovog suda.

Sutkinja:

Marina Šapina